

Songtexte

Album „Requiem“ von Form Banal

Release: 10. September 2021

[Website von Form Banal](#)

Start / Restart

1. Strophe

Welkomme of dere Wält
of dem schöne Planet
Of dem grosse Kontinänt
i dem wonderbare Land

Refrain

Es zwitschered es Vögeli im Garte
I de Sonne lid e Chatz
ond warted
Es schmöckt nach Kafi
es schmöckt nach frösche Brötli
es send alli scho am Warte

2. Strophe

Es ged so vel
wo du do chasch erläbe
chasch entdecke ond kreiere
so vel Möglechkeite z'Läbe

Champagner / Finale

1. Strophe

Ech cha do
so ne Idee

Chom, mer möched üs
s'Läbe
weder chli schön

chli eifacher
chli sexy

well met ghobene Aspröch
chont nor Gjammer
ond Onzfredeheit

Refrain

Jetzt gets Champagner
für alli
Wenn sie rächt händ
ond d'Wält bald ondergot

Mach di ready für di letschi Party
tanz of em Tesch
es ged keis Zrog meh
Jetzt gets Champagner
für alli

2. Strophe

Ech cha do
so ne Idee

Chom, mer läbed
e chli meh Bollywood

Nämeds gmüetlecher
schaltet e Gang abe

Gönnets üs mol ändli
s'Läbe z'gnüsse
ond zfrede zsi

Panda / Vergissmeinnicht

1. Strophe

Chom me nämed
med üsem Fiat Panda
doch lieber d'Landstross
me händ jo Zit
me send ned wechtig
d'Reis ischs Zil
hemmer gseid

Refrain

Jo ech weiss
ech be ned de Schönscht
jo es weiss
ech be ned de Cool

Be kei Star
ond be ned rich
aber weni sterb
vergess mi ned

2. Strophe

All di Erinnerung chasch ned chaufe
all die Gschechte chasch ned zahle
all das Schöne, Intensive ond Intime
all das chorze Läbe gets nor im Moment
wenn's chasch wahrnä h ond chasch läbe

Sofa

Intro

Oh
höt isch weder so e Tag
woni einfach gar nöm mag
ech be randvoll
bruch e Nöistart

1. Strophe

Ech setze chli ufs Sofa
ond es werd mehr klar
dasi emmer noni weiss
was de Senn vom Läbe isch

Refrain

Loeg üs mol a
met allne üse Narbe
semer ned schön
genau so wemer send

2. Strophe

Mer send doch am Läbe
hend scho vel gseh
hend Fröidegömp gmacht
alli Sorge überläbt

Narrative

1. Strophe

Ech stell mer vor,
du wärsch nömm do
um's no meh z'gnüsse
wenn vor mer stosch

Du chasch ned si
was der ned entspricht
well eifach mosch frei sie
well eifach mosch frei sie

Refrain

Es isch befreiend,
nömm mösse jong z'si
Well's Frede is Chaos ged
ond nömm fescht halte muesch
was eh ned bsetze chasch

Alles wo chont
muess a weder go
nüd blibt bestoh
we dis Ego zäme falle muess
bevor du stärke chasch

2. Strophe

Befrei di us de Narrative
wo di andre vo der hend
ond wot sälber übernoh hesch
well's ned besser gwösst hesch

Es isch eh nüd of Dur
ond nüd we's schint
ond nüd we's schint

Mantra

1. Strophe

Ech gebes zue
mängisch isch ned alles Bad News
i de Zitig

isch ned alles doof
isch ned alles gäge mich

Refrain

Sie säget's jo scho lang
läb jede Tag
als wär's din letschti

Mach alles
als wär's zom letschte Mol

mach dine Lüt klar
dass si gärn hesch

2. Strophe

Ech gse's jo i
dass i eigentli scho Glöck ha
met mim Läbe

ech ha jo alles
ond no meh

Seiltanz

1. Strophe

Stell der vor
är schnitt jedem d'Hoor
lost jedem zue
blibt interessiert ond nätt
es isch sin Job
är isch Frisör

Refrain

Du laufsch uf dim Seil
es isch ned eifach met em Glichgewicht
Du muesch kei Angscht ha
Du besch ned crazy
well andersch schinsch
ond fonktoniersch

2. Strophe

Es isch velecht jo gar ned
dass der öpis fählt
sondern dass der öpis zvel esch
ond im Chäfig blibsch
au wenn Tör lengscht offe esch

Horizont

1. Strophe

Isch's Meer ned schön
ond d'Loft so frösch
ich schwemme ond schwemme
kei Land in Secht

Refrain

Vore am Horizont
schint nüd zsi
e wisi Linwand
es grosses Frogezeiche

Ond wenn di nöchshti Wälle chond
frosch di velecht
wo er denn isch
de Exit, de nöchshti Usgang

2. Strophe

So lang schwemme chasch
esch doch guet
besch no am Läbe
hesch no Muet

Met Moskelchraft
met Asträngig
am Läbe chasch bliebe
well ned versuffe magsch

Melancholie

1. Strophe

Wenn d'Sonne ineschint
ond de Staub sechtbar werd
wenn chorz wahrnäh chasch
was sösch schinbar ned existiert

Refrain

Bes e chli sanft zo der
ond zönd en Cherze a

Trei d'Sanduhr om ond los zue
we Zit we Staub verrünnt

Loh de Schmärz zue
los di chli lo schtreichle
vo de Melancholie

2. Strophe

Ond dör das blaue Liecht
dis Läbe e Schatte werft
ond dini Senn we Hüenerhut
ond dis Gmüet sensibel werd

Transit

1. Strophe

Es isch i de Dämmerig
wo me im Rollstuel
of d'Wise useluegt
wo me als Chend
d'Wält för sich entdeckt hed

Refrain

Vom chline Meitli
zor alte Frau
am Fenster
im Altersheim

Es isch so lang gsi
ond doch so schnell verbi
Bald hesch's erreicht
s'Zil, s'Ändi vo de Zit

2. Strophe

Sie taucht emmer meh
ine anderi Wält
zgsed mi mängisch nöm
luegt a mer verbi
als wär s'Zil im Hendergrond

Mensch

1. Strophe

So vel Strategie
we d'besser läbe chöntschi
Wäg all dem Optimiere
semmer jetzt im Stress

Refrain

Liebe Gott
liebi Göttin
ech weiss es isch ned
dini Schold
dass mer dech nach üsem
Äbebeld gschaffe hend

2. Strophe

D'Wohrheit fendsch höchstens det
wo alles zämechond
Du kennsch sie früeschtens
wenn allne zueglosd hesch

3. Strophe

Fair wär nor d'Worheit
ond ned das alli glich send
oder das alli s'gliche hend

Monster

1. Teil

Kensch das, wenn emmer die andere
a allem Gschold send

Wenn öpis ned guet esch
zfrede si schint schwerig zsi

Sis Beschte zgä
au wenns mängisch wenig schint

Es isch doch ned eifach
sech emmer zämeznäh

2. Teil

Was, wenn's eine vo üs esch
wo s'Monschter esch
wo s'Monschter esch

Oder es i üs sälber drin esch?
Ond üsi Sproch spricht
me sälber s'Monschter esch

© Florian Burkhardt

<https://formbanal.com/>